



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Bonis Operibus Docto. Martini Lutheri Liber

Luther, Martin

Vuittemberge, 1521

VD16 L 7151

Septimo.

urn:nbn:de:hbz:466:1-33333

SEPTIMO.

Ecclesiastica
obedientia.

¶ Secundum opus huius præcepti est, honorem habere & obedire spirituali patri sanctæ Ecclesiæ catholicæ, Ecclesiasticæ potestati, præcipienti, prohibenti, constituenti, ordinanti, excommunicanti, absolventi, ut nos ei obtemperemus, & sicut corporales patres honoramus, timeamus, & diligimus, ita etiã spirituali superioritati in omnibus rebus quæ tribus primis præceptis dei non sunt contrariæ, obsequamur. At qui in hoc opere multo deterius res agit quam in priore. Nam Ecclesiasticam potestatem deceret peccata excommunicatione, anathemate, & legibus punire, & suos spirituales filios cogere ad bonitatem, ut causam haberent hæc opera faciendi, & se in obedientia exercendi, sed & honorem ipsam. Nos vero videmus ab ea nullam dari operam, ut suos in officio cõtineat, sed sic agere erga populares & subiectos suos, tanquã matres se iuvenes suos amatores, ut Osee 2. dicitur. Non prædicant, non docent, non resistunt, non reprehendunt, non puniunt, & breuiter, nullum est reliquum regimen Ecclesiasticum in tota Christiana republica. Quid ergo possem de hoc opere dicere? Reliqui sunt adhuc aliquot pauci dies ieiuniales & festi, quos præstitit abrogare. At hoc nemo curat. Ita nihil hodie floret, nisi excommunicatio, propter pecuniam exercitata, quæ ne ipsa quidem esse deberet. Sed Ecclesiasticæ potestati præstandum esset, ut adulterium, impudicitia, gula, ostentatio popularis, immoderata rerum luxuria, & id genus alia peccata & probra seuerissime punirentur & coercerentur. Sed & ut collegia sacerdotum, cenobia, parochiæ, scholæ, probe instituerentur, & in his dei cultura religiose conseruarentur, iuuenus, masculi & puellæ in scholis & monasterijs bonis doctoribus viris prouiderentur, ut optime educarentur. Ut senes bonis exemplis prodesse, & Christiana republica egregia iuuentute impleretur & onaretur. Sic enim sanctus Paulus docet discipulum suum Titum, ut omnes ordines siue status, iuuenes & senes, viros & feminas probe doceat & regat. Hodie vero suo quisque viuimus arbitrio. Qui seipsum docet habet. Imò vero eo prochi dolor res recidit, ut loca in quibus probitas sit docenda, scholæ nebulonum facta sint. Ita ut ferocientis iuuentutis curam nemo habeat.

OCTAVO,

Officium
Ecclesiasticæ
potestatis.

¶ Si ergo hoc ordine res agerentur, dici posset quomodo honor & obedientia fieri deberet. Sed nunc fit, sicut cum corporalibus patribus, nimum arbitrij & voluntatis permittentibus suis liberis. Nam Ecclesiastica potestas nunc permittit, dispensat, & accepta pecunia vicissim indulget plus quàm possit indulgere. Hic omittam plura dicere. Plura enim videmus quam bene fit. Auaritia sedet in regimine. Et quod prohibendum erat ab Ecclesiastica potestate docet. Ad hæc est quod oculos omni-